



Obavještenje za roditelje i staratelje o zabrani nošenja marama (hidžaba) (§ 43a SchUG)

Poštovani roditelji i staratelji,

veoma nam je važno da se sva djeca u našoj školi osjećaju sigurno, zaštićeno i prihvaćeno. Škola treba da bude mjesto na kojem djeca mogu slobodno da uče, razvijaju svoju ličnost i napreduju.

Stoga Vas ovim putem obavještavamo o pravnom okviru za djevojčice mlađe od 14 godina u školama u Austriji.

S novom školskom 2026/27 godinom za sve učenice mlađe od 14 godina važi zakon koji ne dopušta nošenje odjeće koja pokriva glavu prema islamskim tradicijama u školi, tj. na školskom zemljištu i školskoj zgradi. Ovo važi bez obzira na to da li se marama (hidžab) nosi iz modnih, tradicionalnih, vjerskih ili nekih drugih razloga.

Pri tome je bitno znati:

Škola je sigurno mjesto u koje smiju ulaziti samo osobe koje imaju razlog da dođu u školu (učenice i učenici, nastavno osoblje, roditelji). Učenice su u stalnoj nastavnoj zajednici i pod nadzorom nastavnog osoblja.

Škola je pod obavezom da sprovodi važeće zakone. Škole nemaju mogućnost za donošenje odluke po ličnoj procjeni. Škola ne postupa prema ličnim mišljenjima, već na osnovu zakona.

Djeca bi u školi trebala:

- da budu slobodna od društvenog ili vjerskog pritiska,
- da mogu da razvijaju svoj identitet u skladu sa svojim uzrastom,
- da ravnopravno i bezbrižno uče i odrastaju.

Zabrana o nošenju marama (hidžaba) služi zaštiti djetinjstva i treba da spriječi da djeca budu prerano gurnuta u ideološke i vjerske uloge. U središtu školskog interesa nalaze se dobrobit i kognitivna zrelost djeteta. Zakon obavezuje izričito Vas kao staratelja da se pobrine za to da se Vaša kćerka drži zakonskog propisa.

Izvan školske zgrade, odnosno školske ustanove odlučuju staratelji o nošenju marama (hidžaba).

Beilage A zum Rundschreiben Nr. 1/2026 (2026-0.180.147) - Bosnisch

Prilog A uz okružno pismo br. 1/2026 (2026-0.180.147)

Znamo da ova tema može biti osjetljiva. Stoga je naročito bitna komunikacija zasnovana na poštovanju, razumijevanju i podršci. Naš cilj je, da zajedno doprinesemo tome, da je ovaj propis zakonska obaveza kako za Vas kao staratelje, tako i za školu i da istovremeno služi zaštiti i zdravom razvoju djece.